

穆

堂

別

稿

穆堂別藁卷之三十二

臨川 李紱 巨來

劄子上

報明漕運情形劄子

竊臣等奉

旨催償糧船于六月初六日起程初八日至河間府卽聞山東地方大沛甘霖漕河通利及至德州親驗河水深至丈餘仰見我

皇上聖德動天憂勤所至感應如響臣二人踴躍歡忭至十四日到濟寧十五日卽見大河衛頭幫糧船抵閘以後

船隻相繼前進臣等會同河道總督臣齊蘇勒欽遵

聖訓沿河催償封開蓄水至南陽一帶河水尤深糧船銜尾不斷通漕放行不用下版惟滕縣彭口山河噴沙稍覺淤淺立即挑浚船無阻滯隨至八閘地方會同漕運總督臣張大有查看糧船過臺莊者三千四百餘隻其餘相連而進尾船亦盡過黃河至于八閘地高水急漕臣仰遵

聖諭與臣等下版蓄水逐幫放行隨蓄隨滿亦無遲悞現在頭幫將至臨清山東撫臣黃炳遣濟東道吳興業前來助催臨清係伊專轄卽令其前往催償再各閘緊要之

處將所帶司官二員分段嚴催臣二人南北循環晝夜  
分督大約八月間可以抵通目下係大雨時行之候再  
得秋雨則重運前進愈速矣臣謹

奏

報漕船過濟劄子

竊臣與侍郎臣傅紳奉

旨催償漕運業經報明水勢晝夜催償七月十九日復准漕

臣張大有轉咨吏部來文大學士張鵬翮奏准着傅紳

往高家堰一帶查勘黃水將催漕事交臣與漕臣張大

有料理臣與漕臣謹遵

聖旨前後分催欽惟

聖德格天秋霖時降河道深通重運遄行目今尾幫已抵濟  
寧一二日間可出濟寧北境查漕船過濟例應報明  
謹

奏

謝陞兵部侍郎劄子

八月十四日漕運總督臣張大有賞劄子家人回至張  
秋恭捧

皇上御批奏劄交

臣

口稱在京親見科抄七月十八日奉

旨李紱着陞補兵部右侍郎今八月十九日

臣

家信至與漕

臣家人所言相合臣揣分驚疑悚惶無地切臣廢棄非材

皇上委曲生成賜還原品半載于茲並無塵露之報疊承高厚之施蒙受愈重報稱愈難中夜彷徨不能自己惟是日今未准部文知會不敢輒用新銜亦不敢具本謝

恩容臣回京之日躬詣

闕廷叩謝

天恩謹先繕劄子奏

謝臣謹

奏

報漕船出閘劄子

竊查漕河建閘南起臺莊北盡臨清而濟寧居其中糧船過此三處例應奏報八月初一日尾幫抵濟寧南境

臣業經

奏聞後初三初四連日大雨過閘稍艱至初六日巳刻始盡出濟寧北境但濟寧北至臨清地陡水急蓄水爲艱昨因大雨之後汶流深廣沛然有餘臣與漕臣晝夜催攢于八月二十二日尾幫盡出臨清板閘從此北行順流無阻直至天津倘通州起米迅速則今歲回空之船無凍阻之虞矣臣謹

奏

恭慰

聖懷劄子

奏爲恭請

聖安恭慰

聖懷事 臣切惟九月初

聖祖仁皇帝暨

大行皇太后並入地宮山陵大禮百爾駿奔 臣受

恩至深適當奉使不得與哭泣之列不得効趨蹌之勞北望

涕零無已尤深念者 臣仰見



皇上聖孝天成哀輒過慟當茲大事誠恐

聖情不能自抑或傷

聖躬

臣

雖愚昧竊聞古人制禮哀因時殺今

聖祖龍馭已近小祥

聖母上昇亦踰百日敢祈

皇上順時節哀善調

聖體以成繼志述事之大孝以慰臣民仰望之至情

臣

不勝

大願恭請

聖安

臣

謹

奏

請往天津運糧劄子

奏爲請

旨事

臣于雍正元年十月內遵

旨截留湖南等九幫漕糧囤貯天津今河水凍開應遵前

旨親赴天津將米運交京通各倉擬于卽日起身前往理合

奏聞抑

臣

更有請者昨冬在津公同囤米各官應令其各

按所收原數起米下船裝載而通州交米之處米數甚

多臣一身照顧不及除倉場總督法敏陳守創原係同

臣議覆之人應同

臣

一體料理此外有駐劄通州之通

丞道高鑛副將賽都俱勤慎明白懇祈

皇上令其助

臣

料理交米事務庶

臣

不致顧此失彼又天津

衛守備張傑係原經手囤米之人今奉

旨陞任廣西梧州副將亦懇

皇上將伊暫留旬日俟起米事竣再赴新任庶事無舛錯臣

亦得藉其臂指之用

臣謹

奏

謝

特命迂道省親賞奉

恩賜母氏匾額併緞錦等物劄子

切

臣

一介寒微迂愚無似過蒙

天恩滿濯不次遷除畀以封疆重任循分難安量材增慙乃  
天地生成有加無已日月照臨無微不至

特旨許臣過家省親又

賜上藥名茶內府涼帽又

賜臣母紫貂八張緞四匹錦二匹紗二匹又

特賜臣母北堂鶴算扁額伏承

恩命感激涕零捧出

上方光榮照耀竊念古人懷材抱德知遇常艱臣以菲材

獨逢

聖主誠不世之殊遭豈此生所敢望惟有宣揚

上德綏戢遐方竭臣力之駕駘報

主恩于萬一而已臣謹

奏

謝補廣西巡撫劄子

本月十一日臣起完天津截囤漕糧押運抵通接本部

知會文到本月初四日奉

旨孔毓珣補授廣西總督李紱補授廣西巡撫孔毓珣着卽  
赴任李紱未到任之前巡撫事務着提督韓良輔署理其  
兩廣總督及廣西巡撫印勅着擇日速行鑄造差人送去  
該部知道欽此驚聞

寵命惶悚靡寧竊惟臣一介寒微兩年罷黜自分永棄草萊  
國恩乃蒙

皇上重加湔濯之勤俾有自新之路屢叨

恩命疊賜遷除仰承

殊遇比山海之崇深俯竭愚誠愧涓埃之渺末今復

節任封疆之重屬當邊徼之衝豈非材之可勝實

愿綸之過厚徬徨竟日銜結終身除一切巡撫事宜應俟

陛辭赴任時恭請

聖訓外謹先匍匐

闕廷叩謝

天恩臣謹

奏

將赴廣西恭請

聖訓劄子

竊臣荷蒙

皇上簡任廣西巡撫復蒙

天語諭于本月二十四日起程

聖恩高厚銜結難忘惟是廣西地逼南交巡撫職兼文武自

顧疎拙非材當此封疆重寄非承

皇上海言一切何所遵守恭詣

闕廷叩請

聖訓

臣

曷勝惶悚之至

謝截漕議敘劄子

奏爲恭謝

天恩事雍正二年八月初一日准戶部咨文內稱截圍漕糧  
遵

旨將臣議敘加隨帶一級奉

旨依議欽此

臣

隨恭設香案望

闕叩頭謝

恩竒竊念

臣

迂疎下土廢棄餘生荷蒙



皇上天恩委曲生成以有今日塵露之末無能助

山海之崇深跼蹐之身乃獨蒙

乾坤之高厚恩施格外既辭謝而未能職守天南又仰瞻而  
莫逮惟有矢竭迂愚勉圖報効而已

臣謹繕摺恭謝

天恩謹

奏

謝

賜哈密瓜劄子

奏爲恭謝

天恩事雍正二年十月十六日廣西提督

臣韓良輔家人自

京賈摺回南恭捧到

皇上賜

臣

哈密瓜一圓至粵

臣

卽出郊跪迎至

臣

衙門恭設

香案望

闕叩頭謝

恩祇領訖欽惟

皇上聰明首出而微小不遺

玉食萬方而解推無已下遭逢

景運仰承

賜予之隆振古帝王絕無僅有而

臣

迂愚無似自蒙

聖恩拔擢以來

奏事

宮門日飽

天廚珍膳至于上藥名茶山珍海錯無不疊蒙

寵錫今職守遐方長安日遠乃猶蒙

御賜遙頒循省徬徨將何圖報臣謹于先嘗之下仰體

聖慈分賜在省司道府廳州縣各官共霑

雨露于炎荒同沐

乾坤之高厚臣謹遵

旨因

奏事之便恭摺叩謝

天恩臣謹

奏

謝弟紘成進士劄子

竊臣親弟李紘粗知翰墨頗抱樸誠行年已歷四旬會

試亦經六次今歲叨蒙

聖恩賜同進士出身臣初聞邸報卽擬繕摺恭謝

天恩因題名小錄紘字偏傍錯刻疑不敢信至十一月二十

六日臣賫奏家人回粵始知確實伏念臣蒙受

聖恩天高地厚今臣弟復受

國恩一門弟兄將何圖報臣謹北望

闕廷叩頭恭謝

天恩不勝感激悚惶之至

臣謹

奏

謝

賜哈密瓜第二劄子

雍正二年十二月初六日

臣

家人賫劄回粵恭捧到

皇上賜

臣

哈密瓜二圓

臣

卽出郊踰迎至

臣

衙門恭設香案

望

闕叩頭謝

恩祗領訖伏念

臣

以菲材荷蒙

皇上昇以封疆重任智識短淺毫無稱報乃蒙

聖恩疊賜哈密名瓜種從西域來依日月之光

頒自天家實等星辰之重豈捐糜之可報矢銜結以無窮

謹遵

旨因

奏事之使恭劄叩謝

天恩

臣謹

奏

謝

賜御書福字劄子

奏爲恭謝

天恩事雍正三年二月十八日臣家人賫奉

奏摺回粵恭捧到

皇上賜臣

御書福字臣謹出郊跪迎至臣衙門恭設香案望

闕叩頭謝

恩祇頌訖臣伏念錫福之義莫備于周書其在洪範之篇曰

嚮用五福又曰斂時五福用敷錫厥庶民然必本于惟

皇建極而後惟辟作福在易之井亦曰王明並受其福

蓋一人有慶而兆民賴之也欽惟

皇上全五德于一身敷五事于八政休徵咸備衆志大同固  
已卿尹蒙富壽康寧之休庶民被寒煥雨暘之澤矣乃  
猶于

萬幾餘暇

親灑宸章百辟在公屢蒙

錫福蓋洪範九疇之道非三代而下帝王所能見及者也

臣

一介寒微福輕于羽昔陪卿貳會分

雲漢之光今守封疆又仰

天章之煥豈敢私于一已固將敷厥庶民從此桂水湘山皆

成福地蠻煙瘴雨盡化福星矣

臣謹繕摺叩謝



天恩臣謹

奏

謝

賜克食餅餌劄子

奏為恭謝

天恩事雍正三年二月二十二日臣家人賫奉

御批奏摺回粵恭捧到

皇上賜臣克食餅餌一黃盒臣謹山郊跪迎至臣衙門恭設

香案叩頭謝

恩祇領訖伏念臣迂疎廢棄之身荷蒙

天恩寄以封疆重任毫無報稱乃蒙

皇上賜予稠疊撫心彌思循分增慙

臣

謹于正席先嘗之後

適當合操閱兵之期捧至教場仰推

聖恩分賜文武屬員俾大小臣工共識

天家之玉食咸霑

帝澤于遐方名竭涓埃勉圖報効

臣

謹遵

旨因

奏事之便恭摺叩謝

天恩謹

奏

謝

賜克食餅餌第二劄子

奏爲恭謝

天恩事雍正三年八月十四日

臣

賚摺家人回粵恭捧到

皇上賜

臣

菓餌克食一黃盒

臣

謹率同在城文武諸臣親至

郊外跪迎至

臣

衙門恭設香案望

闕叩頭謝

恩祇領訖伏念

臣

以菲材荷蒙

皇上寄以封疆雖夙夜黽勉圖盡厥職實無涓埃可報

高厚乃蒙

天恩稠疊

御賜時頒省躬無以自安揣分惟知慙媿臣隨于次日仰體

皇上加惠臣工至意謹將

恩賜克食分給在城文武諸臣小大稽首鼓舞歡呼雖嶺嶠

炎荒儼對

天顏之近班聯微末同霑

帝澤之洪臣謹遵

聖旨因

奏事之便恭摺叩謝

天恩臣謹

奏

謝

賜御書福字第二劄子

雍正四年正月十七日

臣

自廣西桂林起程前赴直隸

行至甘棠渡地方有

臣

家人賫回

奏劄并賫捧到

皇上賜

臣

御書福字

臣

卽于道旁跪迎至

臣

駐宿邸館恭設香案望

闕叩頭謝

恩祇領訖伏念

臣

以微材遭逢

聖主初陪卿貳洎撫粵西並蒙

天章頒賜福被微躬欽惟

皇上建其有極

一人之慶無窮錫厥庶民四海之敷同福蓋太和元氣在今

日宇宙之間富壽康寧屬亘古大同之運而臣猥以孤

寒三蒙

錫福實不世之遭逢也惟有矢竭愚誠仰冀

聖德俾畿甸臣民共戴如天之福以仰贊

皇上萬物一體之宏仁萬福來同之盛治而已

謝

賜端午錠子藥劄子

雍正四年五月十七日

臣

賁摺家人回至保定恭捧到

皇上賜

臣

錠子藥一黃匣

臣

卽出郊跪迎至

臣

駐札衙門恭

設香案望

闕叩頭謝

恩祇領訖

臣

仰體

皇仁將黃辦扇墜五十掛內分給同城文武諸臣文官知縣

以上武官守備以上各一掛欽惟

皇上下德曰生仁心爲質已饑已溺旣養欲而給求人鞠人謀必遂生而復性益陶唐有虞之盛復見于今而神農

黃帝之書兼脩其法

尙方秘局豈徒和劑之方今日中天實備節宣之氣登萬  
民于仁壽續命無假于綵絲養一世以太和益智豈資  
于服食而臣猥以下材蒙茲

上藥敬推

異數分及同寅從此疵癘不生俾性命以各正疴瘵在抱  
咸容保以無疆矣臣無任感激悚惶之至

謝

賜鮮荔枝佛手柑劄子

雍正四年八月初四日臣賚摺家人回至保定恭捧到



皇上賜

臣

鮮荔枝

一錫瓶至初五日

臣

賫奏家人回至保定

復捧到

皇上賜

臣

佛手柑一盒

臣

俱出郊謁迎至

臣

駐札衙門恭設

香案望

闕叩頭謝

恩祇領訖伏念

臣

謏劣菲材迂疎陋質濫備封疆之寄莫酬

高厚之施雖

聖心之訓誨彌勤而

臣

職之愆尤日積方深悚息莫知所爲

乃蒙

尚方名果下賚愚

臣

炎海珊瑚猶遜南珍之上禹書橘柚

實傳錫貢之奇維

玉食之游頒豈金莖之可擬除

臣仰體

皇仁卽于次日分給在城文武諸臣外謹因

奏事之便叩謝

天恩

臣謹

奏

謝

賜香水梨劄子

雍正四年八月二十九日

臣

賈奏家人回至保定恭捧

到

皇上賜臣香水梨一簍臣卽親至郊外跽迎至臣駐札衙門

恭設香案望

闕叩頭謝

恩祇領訖伏念臣迂愚無似謬忝封疆圖報雖殷寸長莫效

乃緣瞻

天咫尺近在

京畿遭逢

恩遇之隆曩被珍鮮之

賜天香芬馥配火棗而陸離湛露芳華儼蓼齋之燕譽匪躬

可報糜頂難酬臣仍仰體

皇仁分賜同城文武諸臣俾得均霑

聖惠謹遵

旨因進桃之便恭劄叩謝

天恩臣謹

奏

恭進

萬壽詩劄子

爲恭祝

聖壽事雍正五年十月三十日恭逢

皇上萬壽五旬大慶普天共祝萬國同歡

臣

奉使在外不能

拜舞于

廷少舒就日之忱共進呼嵩之祝敬製七言排律詩一篇

恭祝

萬壽欽惟我

皇上

道貫三才

德函九有

至誠不息則悠久同于兩儀

旁燭無疆則照臨比于二曜

乾坤德容日月輝光豈

臣

章句尋常可以謳歌萬一惟是權

慶愚誠不能自已悚息媿懼繕冊恭呈

御覽臣不勝歡欣慶幸之至謹

奏

穆堂別藁卷之三十二終

穆堂別稿卷之三十三

臨川 李 紱 巨來

劄子下

條陳豫漕劄子

奏爲敬陳豫漕一得之愚仰祈

睿鑒事竊查河南漕運因澹滑內黃三縣淺阻從前改兌小灘近復將三縣割隸河南又擬于丹河建閘分流以資運道

皇上之疇咨與臣工之建白裨益漕務固已盡善臣愚以爲漕務固貴審度地利亦可斟酌天時尙有愚見可稍爲

豫漕之助者敬爲

皇上陳之查漕運冬兌冬開各省定例遵行已久但地勢有  
南北之分程途有遠近之別似可稍爲變通南漕路遠  
故須冬兌而冬開河南路近可以後發而先至北方河  
道冬春水枯夏秋水漲水枯之時雖臣力竭民不能無  
誤水漲之際則順流東下行所自然北方五六月無不  
發水之理若將河南漕米暫貯衛輝至四五月兌發五  
六月開行順流東下斷無艱阻

國家漕發東南四五百萬河南小米截留改折常不過二  
十餘萬抵通遲早無甚關繫似不必冬兌而冬開也或



疑衛輝漕倉臨河恐難久貯此甚不然天下漕倉無不  
臨河如通倉之粟常支十餘年今衛倉當水涸之時僅  
停數月何不可之有或又疑豫漕船多朽薄水發之時  
風波可慮此亦不然糧船有歲修銀兩本應修合堅固  
水勢有風則波無風則靜卽遇大風大水暫時停泊俟  
風小水緩然後開行無不可者此臣思之至熟豫漕夏  
兌夏開似有裨益臣謹恭摺陳

奏伏乞

皇上睿鑒採擇施行

奏明茶果銀兩用數劄子

穆堂別藁

卷之三十三

二

奏爲奏明廣西公用細數事查廣西巡撫衙門從前餽送  
有贄禮節禮壽禮表禮鹽規土物食物等項除鹽務官  
運官銷已將鹽規停止外至贄禮節禮壽禮表禮土物  
食物經臣一概禁絕杯水粒米俱不許送惟桂林平樂  
梧州潯州四府橋稅向來有巡撫衙門茶果銀每年共  
八千兩又梧州二府經前撫臣宜思恭增添贏餘銀梧  
州四千兩潯州一千二百兩連茶果共銀一萬三千二  
百兩臣在任一年半共該銀一萬九千八百兩正此項  
銀兩臣于

陛辭之時雖未知其細數業經面

奏將來俱交布政司收存公用臣于中每歲用銀一千兩  
爲日用之費餘俱繕冊

奏明當蒙

皇上聖諭既係爾衙門需用之項公私在汝酌用且巡撫每  
年日用止一千兩亦斷不敷此銀不必交布政司亦不必  
將細數開奏欽此臣至廣西細查臣衙門需用心紅紙張

賞奏盤費操兵賞兵添補軍裝等項爲數甚多不便零  
星向藩司衙門轉支因止將贏餘銀爲修書院課士及  
修省志之項交藩庫收貯餘俱交中軍公庫收存爲本  
衙門公用除臣日用銀每歲一千兩外絲毫未入內衙

今謹將公用細數開列于後

一初到任時提塘在禮部領新換銀關防用飯銀一百兩又雜費五十兩

一初到任補給桂林府已經用費修理衙門製辦執事等項共銀九百七十兩其銀卽于桂林府稅羨茶果內按季叩還其執事器用俱經造冊移交新任撫臣

一雍正三年補修衙門添換執事及皂役衣帽共用銀二百五十兩

一賚摺二人路費每次用銀一百兩

臣

任內共十八次

共用銀一千八百兩

一賚表箋本章馳驛弁役每次二人給路費四十兩

臣

任內共十三次共用銀五百二十兩

一衙門心紅紙張筆墨及本包本箱夾板黃布油紙綿花摺子綾袱紋褥綾夾板等項

臣

任內共用過銀一千

六百兩

一製造本標大纛鎗旗全副買藤牌六十而改造交鎗  
四百杆又製藤牌兵丁虎皮夾褂一百三十身共用銀  
三百餘兩

一製造本標兩營伍子砲十位陣鼓四十面鑼鍋八十  
口帳房八十領黑鉛三百五十斤共用銀七百餘兩

一製造通省管協五子砲三十二位連架共用銀六百四十兩

二添製通省管協鑪鍋三百五十口共用銀三百一十五兩

一添製通省管協帳房一百二十領共用銀七百二十兩

一修理宣城書院及置備師生牀六十張桌椅六十副書架厨櫃器用共用銀五百餘兩

一書院師生供給師長每月米一石銀十兩諸生每人每月米三斗銀六錢師長俸銀每歲二百四十兩諸生

炭銀每人四兩共用過銀六百五十餘兩

一觀風通省童生覆試照路遠近給與往來盤費共用過銀一百五十餘兩

一賞觀風優取生童及書院每月三課優取生員銀牌用過七百餘面共銀二百餘兩

一書院每月三會每會送師長雞魚肉酒四色給諸生每人肉一斤酒一斤及平時發給紙筆逢時節送給酒果共用銀五十餘兩

一購買書院經史子集共四千五百五十餘本共用銀三百五十五兩

一署內箭道及教場閱兵每中一箭一鎗賞錢一百文連三中者除給錢外又加賞銀牌一面又操演新陣每次賞給豬酒共銀七百餘兩

一修理桂林城垣城樓砲臺砲架窩舖柵欄等項除用天津銀兩補添銀四百六十兩

一重建衙門土地祠

因天雨全坍

及修理衙門箭道馬道大

溝大教場演武廳照牆轅門木柵大旗等項共用過銀二百餘兩

一纂修省志延請纂修八人聘金束修節禮供給盤費共銀九百餘兩



一僱募抄寫志書底稿書手十二人飯食工錢共用銀二百四十餘兩

一刊刻志書及書院所用韓子粹言等書寫樣買板刻工現在共用過銀八百餘兩志書尙未刻完

一印刷志書及各書紙張工價用銀一百二十餘兩

一寄存藩庫爲書院供給及刻印志書之用銀一千二百兩

一撫標兵丁糧餉全無扣剋士馬飽騰惟遇婚喪事故常需借貸而廣西私利甚重有因債負結訟或脫逃者臣立定規程存銀四百兩發交中軍公庫以備兵丁借

貸之需

一資送本標千總王忠進 京挑選侍衛盤費銀三百

兩

一左江鎮臣邊士偉進 京因那借俸餉未允助銀二

次共一百二十兩

一捐助病故員弁回籍四兩至十兩不等及每歲暮賞

給孤貧每名銀三錢流犯監犯每名銀五錢共銀一百

二十餘兩

一本省及隣省督撫提鎮差來公幹員弁兵役向俱賞

給食物併盤費銀四兩六兩至十二兩不等臣任內年

半共用過銀一百二十餘兩

一督撫司道公務有專差弁役者向俱撥給驛夫驛船

臣到任後嚴禁濫差累驛間有不得已差遣者臣俱給

與往來盤費不許用驛遞夫船臣任內止差過弁役十

二次共用銀一百餘兩

一捐修柳州府學銀一百兩發柳州府

一捐修省城鐘鼓樓銀五十兩發臨桂縣

一捐修浮橋銀五十兩發桂林府

一捐造桂林協烏鎗挑刀銀四十兩發馬副將

已上公用銀一萬五千九百餘兩

一臣在任年半衣食日用共用銀一千六百餘兩又甲辰年到任及搬取家口盤費用銀二百餘兩又臣自居官以來鄉黨毫無餽贈到廣西後用銀八百兩在本鄉買穀設立小義倉永爲鄉黨賑荒之用已上三件共用銀二千六百兩係臣私用前經摺內

奏明今臣起身赴保定新任併送家口由水路至北共用銀三百兩連前共實用過銀二千九百兩細餘俱係地方公用謹開列細數具

奏至

臣

迂愚瑣蕪干瀆

宸嚴伏乞

皇上天恩鑒宥臣悚息謹

奏

奏覆廣西鹽穀劄子

奏爲遵

旨查覆事雍正四年四月二十一日蒙

皇上將廣西布政使臣黃叔琬條陳鹽務倉穀二摺交臣查

覆欽此臣查此二事臣在廣西俱留心察訪倉穀係臣

專管故到任後卽已查明穀數過多官民交困條陳至

再部議未行今兵米已奉

皇上特諭易米爲穀倉穀亦經臣汪隆

題請糶三存價官民之困已紓雖穀數尙多然寧爲有餘  
無爲不足現在可無遺議至所云未買穀三萬石則叅  
革桂林同知李渥虧項今已追出穀價者也廣西鹽務  
係督臣孔毓珣專管臣到任後竭力清查道府州縣不  
無畏避所有回覆終未明晰直至去年冬間始據桂林  
府知府王沛聞將桂林一府所賣鹽斤按月據實造報  
然後行銷鹽數徹底分明查兩廣鹽課從前虧空甚多  
以殘引舊鹽配新引而行所謂帑鹽也廣西之鹽經督

臣孔毓珣

奏請官運官銷將從前已經完課請引之鹽無論在官在

商一概封禁不行在官者帑虧在商者本折直至叅出  
虧空然後指鹽變補或借鹽變價此所謂舊鹽也帑鹽  
舊鹽俱在新引之外又有加添滷耗等鹽在新引官鹽  
中如母有子如身有翼則粵俗所謂子翼鹽也臣據王  
沛聞造報桂林一府額鹽之外多行三分之一因細加  
確查廣西一省每歲行銷生熟鹽應賣銀三十萬零五  
千五百餘兩除東餉西稅餘費雜用及新增額銀共用  
二十五萬五千四百一十兩零尙應餘銀五萬一千一  
百餘兩又滷耗鹽本費止用銀九千七百餘兩共可賣  
銀六萬七千五百餘兩實餘銀五萬七千七百餘兩通

計行銷鹽數每歲共應餘銀一十萬八千九百餘兩惟據鹽道張若霈所稱則前經督臣孔毓珣

奏請封禁不行之已經完課請引之鹽約有二年額引之多須得四年方可通融清楚與臣所查多行三分之一數亦相符再臣覆查督臣孔毓珣原

題共約羨餘銀四萬六千餘兩議于第三年卽于定價之內每斤再減價二釐羨餘亦卽減去一萬八千餘兩但

臣細查廣西行鹽州縣有每鹽一斤賣銀二分以內者有每鹽一斤賣銀至二分六釐者鄉僻更須搬運便當食三分一斤之鹽是督臣孔毓珣所定原價未免稍貴



及今舊鹽將已銷完此後司鹽之臣若能實心奉行大  
約原加羨餘銀可以不減而原定價值每斤實可減價  
四釐則課以永裕而民亦以大安矣緣係奉

命查理謹據實覆

奏併將黃叔琬原摺恭繳再此項文卷臣家口船近日帶  
到始得清查細數故覆

奏稽遲合併聲明

奏明糶借倉糧劄子

奏爲請

旨事五月十三日准戶部咨內開臣于雍正四年三月二十

七日題前事四月初九日奉

旨該部議奏四月二十九日戶部議覆准行五月初四日奉  
旨借放倉糧每爲地方官掩飾虧空之計且借放之時往往  
利歸有力之家窮民不得實沾恩惠直隸倉糧向來虧空  
甚多朕知之甚悉今李紱爲直隸未報災之州縣奏請糶  
借倉糧著派翰林御史部院賢能官十數員前往會同各  
該地方官核實監糶著吳隆元余甸總行管察務使小民  
均沾實惠其各處糧穀果否實貯在倉著一併查驗欽此  
等因到臣欽惟我

皇上如天之仁與如神之智並行不悖去歲直隸被水

皇上大加賑恤糶借兼行米石數盈百萬俱差官監糶監借  
故飢民各沾實惠爲古來所未有今蒙

恩准臣所請仍差官監查蓋

皇上賞心實政終始惟一臣雖陋敢不仰體

聖心彌加謹慎但民間乏食致妨種植秋禾正在四五月間  
青黃不接之時臣雖于三月

題請而閣簽部議必需時日若俟奉

旨之後再行糶借不惟民飢難待卽秋禾播種亦已後時故  
臣遵例

題請仍一面批令量行糶借十之一二少紓民困今在部

咨行知大約

欽差人員到保尙需數日現在麥已黃熟民慶豐年監查人員到時無庸更行糶借似止應將臣從前批准糶借之州縣開單交

欽差監查人員分行查勘糶出之糧有現銀可核借出之米有借狀可查是否給與貧民沿村可訪有無虧空糧石按廩可盤臣雖預期批行而後先稽查事同一體至于直屬倉糧向多虧空誠如

聖諭

臣

係新任之人卽有虧空例無處分原不必代爲掩飾

臣

自回署後卽委員四出盤查但有虧空卽行飛叅絲

毫不敢瞻徇惟是糶借一事因農民急不能待先行酌量批准雖爲數無多而事屬權宜應否交部議處出自天恩所有徵臣批准糶借及

欵差人員到日止用稽查已糶已借之項無庸再行監糶之處理合恭摺

奏明

議覆鄰境催科劄子

奏爲遵

旨議

奏事雍正四年十月初三日臣賚摺家人回保欽奉到

和生身勇 卷之三十三 三  
皇上發下履歷條陳一摺奉

硃批有人條奏此一事可詳細察議摺奏欽此

臣查據滑肇

基奏稱廣平催徵滾單所載花戶有坐落河南之臨漳縣者亦有坐落本府之鄰近各州縣者致有關提之擾不能按季全完應照畿輔撥補錢糧之例令該縣于每年造具花名清冊移送各縣代徵領解庶免隔邑徵比之擾等語臣詳細察議查得從來糧隨地納各府州縣地方界限必須井然庶案件毋庸推諉民有定志事亦易理若將該管地方百姓所買外府州縣地畝俱爲管理勢必以一官而分徵鄰近十數州縣零星之糧且將

該管地方百姓賣出外府州縣民人地畝俱歸外府州  
縣官管理又勢必以十數州縣之官而共治一州一縣  
之事其爲分擾彌甚又直隸地方民人地畝有爲旗庄  
園去者另將別州縣地畝撥補所有應得之租應納之  
糧俱係撥補處地方官管理亦以糧隨地納故也至民  
人產業貧富不常所買地畝逾時又已轉賣豈可以撥  
補地畝指爲撥補錢糧之例再臣查得地畝錢糧惟外  
府州縣民人錢糧尤爲易徵蓋本管州縣地方之民各  
有因貧不能完納者若力能買置別州縣地畝之民人  
原係家道殷實必無拖欠之事間有輸納不前亦係該

管州縣催科無術所致于花戶坐落隔屬之處毫無關涉其滑肇基條陳之處似可無庸置議臣謹遵

旨覆

奏伏乞

皇上睿鑒施行

謝

賜御書福字第三劄子

雍正四年十二月二十二日臣賫摺家人回至保定恭

捧到

皇上賜臣



御書福字

臣

卽率同在城文武各官出郊踴迎至

臣

衙門恭

設香案望

闕叩頭謝

恩祇領訖竊念

臣

薄殖微材嚮用之所莫及幸逢

聖主皇建有極斂時五福錫厥庶民而

臣

猥以迂愚叨蒙任

使屢承

皇上錫福之恩因而所至之地所任之事並荷

賜福之庥厯有成驗

臣

于雍正元年有截漕之役初蒙

皇上賜

臣

福字固糧衛地則雨雪不侵運糧通倉則河流驟

漲此公事之獲福者一也至雍正二年出撫廣西復蒙

皇極經世一  
卷之三十三  
四  
皇上賜臣福字在粵年餘雨暘時若民土咸安此地方之獲  
福者二也雍正三年之冬蒙

恩補陞今職復蒙

皇上賜臣福字臣方赴任中途踈領今歲直屬地方五風十  
雨二稼俱豐被水之民元氣頓復此地方之獲福者三  
也欽惟

皇上與天地合德

睿思所及先天弗違故溥海臣民咸被

一人之慶今復蒙

皇上頒賜福字將見明年二麥必符瑞雪之祥三輔庶徵並

戴堯天之化而臣以愚昧之躬附在

覆幬之近亦幸霑慶澤獲免隕越矣臣無任感激之至

條陳四事劄子

奏爲銜遵

諭旨奏陳所見事臣于乾隆二年奉

命在江南浙江祭告臨行恭請

訓旨荷蒙

天語訓示爾等俱係三品以上大臣例得陳言奉使所經雖不可干預地方之事道路有所見聞復命之時不妨奏聞

欽此今謹就臣耳目所及數事頗有關於時政者敬爲

皇上陳之一買補倉穀價值不敷者宜酌定補法也州縣存倉米穀例于青黃不接及遇災歉米價昂貴之時減值平糶以濟民食秋成買補還倉乾隆二年定例凡遇水旱災傷次年買補價昂查其實在不敷統計有餘不足通融撥補如無盈餘准勦司庫公銀買補等因通飭遵照乾隆四年復以江南公項不敷不便遽議動撥現在糶賣之項並無盈餘停止撥補惟是各省地方連年水旱災歉賑糶米穀不下數百餘萬石每屆秋收採買還倉者連檣絕艘雲集產區官民爭購市值倍增如湖廣江西米穀最多之地年來米價每石長至一兩二三錢

不等再加運費爲價實重前之因災減糶原以濟民今  
之買補不敷轉而累官數少者或能勉賠數多者懸項  
無着訪聞現在倉儲十有九缺將來平糶視爲畏途夫  
積貯本爲民食糶賣所關綦重似應酌爲妥例庶可永  
遠遵行臣請嗣後各州縣倉糧仍遵照四年定例豐年  
減價五分歉收米貴之年減價一錢將糶價存俟出產  
價賤之時採買還倉如有盈餘造冊報司存抵將來採  
買不敷之用倘遇地方災重或遇連歲荒歉米糧騰貴  
必須大減以平市值者亦准臨時酌量詳明減糶不必  
拘定一錢之數秋成買補如有不敷將從前贏餘銀通

融買補如再不敷動撥捐穀抵補仍將捐穀缺額准其  
補捐足數其從前賑糶不敷買補者亦照此例則于不  
准撥補之中酌籌彌補之道庶幾糶不病民買不累官  
儲備可充而地方永受其益矣一捕蝗之法宜申明教  
令嚴定處分以修農政也蝗蝻初生可以撲滅及至生  
翅不復可捕此眾人所共知然往往至于飛蝗滿天而  
不及撲捕者愚民畏捕蝗損稼諱而不言俗吏怠于稽  
查忽不及覺也臣昨經山東地方兗沂一帶間有飛蝗  
官民鳴金聚撲恐能飛之蝗非可撲也臣昔年總督直

隸

陛辭之時荷蒙

世宗憲皇帝天語訓誨謂民爲邦本食爲民天昨年畿輔大水魚子徧地今歲雨澤倘稀卽生蝗蝻爲害甚大防之宜預察之宜詳捕之宜力不力者處之宜嚴臣欽遵

聖諭還任後卽分檄道府州縣嚴行稽查互相覺察立刻發示曉諭預爲查捕是歲果有蝗蝻不能成災大凡有蝗蝻之地當責令黨正約長卽行報官如不報官官自察出者將黨正約長枷號俟蝗蝻撲絕然後釋放如黨正約長已經報官官不卽行申報及不卽親行撲捕或被上司察出或被鄰境報聞者卽將州縣官題叅治以溺職

之罪惟飛蝗易于推諉此縣稱爲彼縣飛來彼縣稱爲此縣飛去應分別輕重如蝗多災重卽將知府併兩州縣題叅係兩府所屬者卽將道員併府州縣題叅如係兩道所屬卽將布政按察併道府州縣題叅如督撫徇庇科道風聞將督撫題叅如此則各官知處分必及無不留心查察矣至于捕蝗諸法北方官民皆知然惟埋蝗最善凡蝗生之地中掘深坑約長里許兩邊用竹梢木枝驚逐蝗性類聚一蝗返奔眾蝗隨之並墮坑中卽行掩埋不能復出矣臣緣舟行見有飛蝗不敢隱諱敬請



皇上勅下部議嚴定處分庶官民先事預防及早撲滅無致  
劫生難捕似有裨于農政一匠鋪辦硝之法宜變通也  
朴硝硫黃並充醫藥且銀匠傾鎔課餉以及貿易銀兩  
藉硝化成需用尤多而今爲禁貨購買艱難臣奉使所  
至見有催科能吏而徵解不前急公淳民而輸將或後  
詢厥由來並云有銀無硝不能傾兌從前之硝官批匠  
採歲無定額行用充裕私販不前自雍正十一年前蘇  
州撫臣喬世臣奏請令匠鋪先期湊價解交藩庫彙給  
委官購回然後分發匠俟窮民預先繳價既多拮据而  
催追擾攘不無需索縣似閭屬繳齊而後解司司俟通

省繳足而後委辦輾轉稽遲二三年不得一年之硝私  
取雖多畏法者不敢買且硝價繳官更無餘貲又不能  
買傾銷停擱以致官解民輸並皆遲悞臣請酌量變通  
令各該府按照通屬歲需硝斤每年赴司借領銀兩起  
批委員前赴產地照價解司還項仍先報明上司併移  
知沿途關隘查驗則年辦年額官硝既裕傾銷以時不  
誤完解于地方官民均有裨益而經官辦理私硝不行  
仍無妨于硝政矣其各屬應需硫黃似亦可仿照此例  
以便民用一服含違式者之宜加申禁也周易天澤履  
大象謂君子以辨上下定民志蓋上下不辨則民志不

定非細故也查會典內開官員五品以下除翰林科道外不許穿蟒緞粧緞故微員朝服止用雲緞州縣官

大計唯卓異者始賞給蟒緞朝衣昨臣奉使所至見首領雜職微員如典史等俱穿蟒袍深可駭異請令禮部通行申禁佐雜微員不許僭用違者定以處分併責令上司查察失察者亦加處分庶幾章服不至違式矣又查會典內開官員二品以上房脊許立螭吻獸頭臣今由水路進京過山東濟寧一帶地方見士民之家房脊俱立獸頭甚至市肆店房亦皆施用褻瀆已極尤爲駭異亦請

勅令禮部申行禁止其現在僭用者雖事在

赦前例得免罪仍令折去將來有僭妄者依律治罪庶房舍  
不至違式矣此二事似非緊要然于辨上下定民志不  
無小補以上四事可否採擇仰祈

睿鑒施行

謝充明史綱目總裁劄子

奏爲恭謝

天恩事乾隆六年三月初一日內閣奉

旨周學健李紱著充明史綱目館副總裁欽此隨于初二日

知照到臣竊臣愚陋迂疎毫無知識蒙

皇上天恩令臣充八旗通志三禮兩館司總裁已慚忝竊莫

稱任使今復蒙

恩命俾得佐修明史綱目經史兼治彌切悚惶惟有竭盡駑駘之力仰報

高厚之恩謹詣

宮門叩謝

天恩臣謹

奏

謝補光祿寺卿劄子

奏爲恭謝

天恩事乾隆六年三月十八日內閣奉

上諭戶部侍郎員缺著周學健補授仍兼管刑部侍郎事光

祿寺卿員缺著李紱補授欽此十九日傳知到部二十

日吏部傳知到臣竊一介庸材片長莫效荷蒙

皇上天恩俾充八旗通志三禮及明史綱目三館副總裁斯  
夕編摩惟恐隕越乃復蒙

聖恩補授今職伏思光祿之勳位參卿貳所司在祭祀燕享  
之重而菲材無豆籩樽俎之長聞

命自天悚惶無地惟有倍加敬謹罄竭愚誠庶幾仰報

高厚之恩勉副職司之守謹詣

宮門叩謝

天恩

臣謹

奏

謝自陳留職劄子

奏爲恭謝

天恩事本年四月二十一日

臣

遵例自陳求解職守五月初

一日奉

旨李紱著照舊供職該部院知道初三日吏部行知到

臣欽

此竊

臣

年實衰朽乃蒙

恩命仍留供職揣分自慚感

恩逾量謹趨詣

宮門叩謝

天恩謹

奏

乞致仕劄子

奏爲恭懇

聖恩解任回籍事竊

臣

于乾隆六年欽奉

恩命與江南試事回京之日緣病乞假仰蒙

皇上恩准調理復于乾隆七年正月二十二日

奏懇解任調理奉



旨不必辭著在家調養俟全愈之日再到宮門候見欽此

臣

謹遵

恩旨調養數月未見痊可又于四月二十六日

奏懇解任回籍奉

旨在京調理不必回去欽此伏思

臣

一介庸愚至微極陋荷

蒙

三朝聖恩擢任卿貳毫無補報苟一息尙存卽當鞠躬盡瘁以竭微忱何敢固求引退偷安于

聖世但

臣

今年六十有九歲精力已衰近復欽遵

恩旨調理百計醫治又逾十月愈覺精神恍惚脾氣虛泄語

言之間重複舛錯坐臥不寧卷籍俱廢臣雖仰報之心  
長而遲暮之景逼不敢久曠職守仰懇

天恩勅部開缺另補人員准臣歸里從此微臣有生之日皆

皇上恩錫之年倘仰托

聖慈調理一二年後精力漸可復舊自當仍赴

闕廷勉竭犬馬之誠以圖報于萬一臣瞻望

宮門未能趨詣敬遣臣子舉人李孝游賫摺恭懇

天恩臣不勝惶悚待

命之至謹

奏奉

旨李紱准以原品休致該部知道欽此